



Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 205. Alphonsus a Papa Neapolis Rex agnosci postulans.

[urn:nbn:de:hbz:466:1-66272](https://nbn-resolving.de/urn:nbn:de:hbz:466:1-66272)

§. CCIV.

Sæcul. XV.

A C. 1421.

Urbes ab Andegavensi occupatæ Al-
phonso a Pontifice restitutæ.

Quam ob rem summus Pontifex nupe-
ram executurus transactionem, con-
sentiente Andegavensi Duce, omnia lo-
ca ejus fidei in depositum concredita, ac
Alphonso sublata, quantocius restituit.
Unde Sfortia intelligens, potissima om-
nium studia in Joannam, & Alphonsum
conversa, haud ultra assiduis, iisque ve-
hementibus, quæ nomine Neapolis Re-
ginæ interponebantur, precibus refraga-
turus, & ipse Reginæ acquievit, ejusque
studia prosecutus est.

§. CCV.

Alphonsus a Papa Neapolis Rex
agnosci postulans.

Alphonsus, ubi animadvertisit, tam pro- *Platin. in*
spere sibi cessisse minas, quibus, si Pe- *Mart. V.*
tro de Luna obedientiam restitueret, Pa-
pam territum fuisse existimabat, crecen-
te audacia, crebrisque suis comminatio-
nibus Martinum iterum iterumque com-
pellere aggressus est, ut se Neapolis Re-
gem agnosceret. Tum demum Pontifex
Alphonsum sua patientia, nimiaque fa-
cilitate abuti, atque eum æquitatis limi-
tes transgredi intellexit, acriusque in
Hist. Eccles. Tom. XXVI. H h illum

Sæcul. XV. illum agere statuit; unde ei significari jus.
A.C. 1421. sit, se nunquam, ut illi complaceret,
tantæ patrocinaturum injustitiæ, Joannam quidem eum adoptasse, non vero Re-
gnum deferre potuisse, quod Ludovico,
paterno jure, competeteret, & cujus jus
Alexander V. ac ipse etiam Joannes XXIII.
confirmasset.

§. CCVI.

*Alphonsus ut Rex a Papa non
agnitus.*

Subjungit Pontifex, nihil esse in Ludovi-
co, quo a Sedis Apostolicæ benevo-
lentia excludi promereretur, nec ideo
gratiam illi concessam revocandam esse,
minus vero regnum Principi, qui suorum
Majorum exemplo Ecclesiæ defensor ex-
sttit, ea duntaxat ratione afferendum,
ut ejusdem Ecclesiæ persecutori conce-
deretur. Alphonsus hoc responso exa-
cerbatus, haud dissimulanter se Pontifi-
cis hostem, & Petri de Luna fauorem
professus est, omnemque navavit operam,
ut hic non modo in Arragonia, sed e-
tiam in universo Neapolis regno tanquam
legitimus agnoscetur Pontifex; nec ta-
men integre spe sua potitus est.

§. CCVII.